

AGENDRE TRINITATIS

MINGGU 14 Juni 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 27**

27. YEHOWA WA' ABÖLÖGU 1

do = f 4/4

MM = 88 - 92

1. Yehowa wa' abölögu, me Lowalangi Ia.
 No Ihonogö dödögu, ba lumö danga-Nia.
 Ha Ya' ia nisunogu götö wa ' anau nosogu.
 Haleluya khö-N a.
2. Yehowa wa' abölögu, me umbu wa' omasi.
 Ibe' e khögu Zangefa, Yesu si möi salahi.
 Da' ö zomuso dödögu, fa' ebua dödö-Nia,
 usuno Lowalangi.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452**Haleluya..... Haleluya..... Haleluya.....**

- SA** : Mangandrö ita :
 He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 230

230. U' ILA WA NO FA' OMASI 1

do = f 3/4

MM = 96 - 104

1. U' ila wa no fa' omasi, zi falukhado khö-U, Yesu.
He'wa' ae tenga sinangea, na dali gamuatagu.
Me no aefado ba wönu, andrö mangaluludo khö-U,
moroï sibai ba dödügu.
2. Ya' odo niha si lö sökhi, ba no omasi' Ö Yesu.
Horögu fefu Öbè aefa, Öbohounido Eheha-U.
Börö wemöna-Mö, Yesu, zanga' aro' ö tödügu,
ba wogamö sa'watögu.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Habakuki 2:1-5**

1. **Damöido ba naha wanaro khögu, möido ba hati andrö, ba wamaigimaigi, ena'ö urongo hadia huhuonia khögu, ba hadia niwa'önia khögu, ba wangadugu andrö.**
2. **Ba itema ligu Yehowa, imane khögu: Tanö ba zura gangilata andrö, haogö wanua ba gara wanura, ena'ö lö afökhö wombaso ya'ia.**
3. **Mogasa na sa wa'alua gangilata andrö, ba aösö ia ba wa'alua, ba no tenga faya. Na mogasa ia, ba dönadöna manö; lö'ö sa zi lö itörö, lö zi lö alua!**
4. **Hiza, no si so hokha dödünia, lö bakha tödü sadölö; ba satulö tödü, ba ba wamatania auri ia.**
5. **Ba baero ö na, ba no famowöhö nagu andrö; ba si lö boto niha si fayawa, samokai bawania, timba narako, ba si no timba wa'amate, ba wa'atebai abuso, si no mondrönisi khönia niha baero, fefu, ba sangowuloi khönia dozi soi.**

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasï. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödüma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödü-U, ena'ö Ö'efa'ö khöma höröma andrö si no mafalua, irege sohahau tödü ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödü-U khöma Ama, ba be'e aefa khöma höröma andrö

ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrondrongo daroma Li Lowalangi, tehalö moroi ba zura **Matai'o 9:18-22**

18.Me iwa'ö khöra da'ö, ba hiza zalawa, si möi yomo, mangalulu khönia, imane: No mate mege nonogu alawe, ba ae tufa ia tangau, ba auri ia.

19.Ba maoso Yesu, i'o'ö, awö nifahaönia.

20.Ba hiza ndra alawe, sendro talu, no mewelendrua fakhe sa'ae; i'ondrasi Yesu moroi furi, ibabaya gahe mbarunia;

21.imane sa dödönia: He ha barunia ubabaya, ba döhö wökhögu.

22.Ba ibali'ö ia Yesu, i'ila ba imane: Böi ata'ufi, onogu; no i'orifi ndra'ugö famatimö andrö. Ba abe'e ndra alawe andrö, i'otarai da'ö sibai.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu sifao fangowuloi ame'ela Persembahan Kasih. Ba si föföna ua da tafondrondrongo Li Lowalangi me imane:

❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö **Numero 299**

299. KHÖU YESU UBE' E DÖDÖ 1

do = e, 4/4

MM = 88 - 96

1. Khö-U Yesu ube ' e dödö ululu wa' auri gu
Boto ba era ' eragu he lala döröwagu.
Ha khö-U Yesu wa' aurigu sandrohu fekoligu.
Ha khö-U Yesu wa' aurigu sandrohu fekoligu.
2. Uforege wohalöwö ba wolo' ö li-Nia.
Ufaöga hörö dödögu ba wanuno Ya' ia.
Reff: Ha khö-U Yesu wa' aurigu....
3. Me no sa u' o' ö Yesu uröi fefu horögu.

Ya' ia dötönafögu sangorifi nosogu.

Reff: Ha khö-U Yesu wa' aurigu....

4. Sahölihöli dödögu, nifalua Zo' aya.

Ikaonido si fahuwu me rorogöfö-Nia.

Reff: Ha khö-U Yesu wa' aurigu....

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya 'e zumange fasömbata, ma ' ohe sumange Yehowa.

Iramatua

Reff: Ma'andrö khö-U fahowu'ö zumange ni 'ohema khö-Mö

2. Ya'e zumange fasömbata mabe'e soroi ba dödöma.

Reff: Ma'andrö khö-U

3. Ya'e zumange fasömbata buala si'otarai Nama.

Reff: Ma'andrö khö-U

4. Ya'e zumange fasömbata, boto, noso, ba fa'aurima

Reff: Ma'andrö khö-U

5. Ya'e zumange fasömbata, lö irugi zomasi dödö-U.

Reff: Ma'andrö khö-U

6. Ya'e zumange fasömbata, ma'aohasi gölö Zo'aya.

Reff: Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:

Koor ba Vokal Group

- a. Koor Jemaat
- b. Kegiatu Komisi Bapak
- c. Koremda
- d. Kegiatu sektor 1
- e.

9. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrongo li Mö Yesu

Mangalulu ndra'odo föna-U ba gametahö-Mö ia da 'a

Öbayoini Eheha-U Yesu dozigö mbanua samati khö-U.

Ubokai dödögu khö-U Yesu nahia daroma li-U.

Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.

Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö

ita.....Yaduhu.

- a. Fombaso taroma Li Lowalangi *Galatia / Galatia 2:15-21 (Tuho Migu:Te'atulö'ö börö Wamati / Dibenarkan oleh Karena Iman)*
- b. Fanuriaigö
- c. Nitanö ba dödö. *Habakuki / Habakuk 2:4b (Ba satulö tödö, b aba wamatinia auri ia. / Tetapi orang yang benar itu akan hidup oleh percayanya.)*
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

1. No mafondrongo li-U, Lowalangi So'aya.
Tanö ba dödöma ia, fa böi olifuga.
Fahowu 'ö ia khöma, ena 'ö ohahau dödöma fefu.
Heta ba dödö zi lö sökhi, ma'o 'ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'ö mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'ö mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 253 ayati 1-2**

253. U' ANDRÖ KHÖU, HE YESU

Lala : Ohe Manö Dangagu (No. 247)

do = d 4/4

MM = 96 -104

1. U' andrö khö-U, he Yesu, fasao ndra ' o.
Ba lala wekoligu, tolo ndra ' o.
No oya nemaligu, si fa ' udu.
Ha Ya ' ugö nawögu, kubalogu.
2. Lö sa uröi Ndra' ugö, he So'aya.
Fanötöna bè khögu, ba wemöna.
No faduhu dödögu ba niwa' ö-U.
Fa' auri si lö aetu zinemagu.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu

SH : FAMATENGE + HOWUHOWU :
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
 ❖ Ya mufahowu'ö ami/ita Lowalangi, Ya murorogö ami/ita
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **253 ayati 3**

253. U' ANDRÖ KHÖU, HE YESU

Lala : Ohe Manö Dangagu (No. 247)

do = d 4/4

MM = 96 -104

3. Ha fa' ahakhö dödö, wa' aurima.
 Tenga moroi ba khöma, wa masöndra.
 Andrö Ya' ugö Yesu, wulitöma.
 Irege Öfasaoga ba khö Nama.

SH : YA'AHOWU

SATO : YA'AHOWU